

1576

Deo optimo maximo uni & trino, Virgini Deiparæ, & sancto Luca orthodoxorum Medicorum Patrono.

## Q U Æ S T I O M E D I C A.

Cardinalitiis disputationibus manè discutienda in Scholis Medicorum, die Jovis vigesimâ quintâ Februarii. 1706.

M. MICHAELE SAUVALE, Doctore Medico, Præfide.

*An morbi omnes omnibus fiant temporibus?*

**A**ERIS nobis inest necessitas, ut eo destituti, ne breve quidem tempus vivere possimus: ab eo tamen interdum non minùs, quàm à quâvis insalubri causâ lædimur, dummodò calidior, aut frigidior, aut vitiosâ qualitate infestus, periculosos invehit morbos, & tum præsertim, cum magnæ & repentinæ in eo fiunt mutationes.

**H**INC austrinâ constitutione caput repletur, caligo oculorum, auditûs gravitas, mentis & corporis torpor & pigrities generatur, & multis putredinis affertur occasio; Aquiloniâ vero tussis, raucescines, urinæ difficultates, costarum & thoracis dolores excitantur.

**V**ER quamvis temperatum saluberrimum, dum corpus variis humoribus repurgare conatur, interdum maniam, epilepsiam, hæmorrhagiam, phlegmones, catarrhos, impetigines, arthritidem: æstas, biliosos affectus, & ardentes tertianas febres, et si plerumque autumnus melancholicos morbos, asthmata, tabem, dysenteriam, lienteriam: hyemis nervis & cerebro inimica, pituitosos morbos parit.

**C**UIQUE etiam ætati suæ insunt familiares affectiones, nam pueruli recens nati, aphtis, vomitû, pavoribus, comitali morbo vexantur: Paulò grandiores, gingivarum prurigine, febribus, convulsionibus, diarrhœâ. Qui pubertati sunt proximi calculis, asthmate, lumbricis, tonsillis, & multis tuberculis: Post pubertatem, hæmorrhagiâ juvenes, sanguinis sputo, tabe, febribus acutis: declinantes ætate melancholicis, & senes pituitosis affectibus cruciari solent.

**M**ORBI, qui ferè omnes ab aere & victu proficiunt, non statim, quamvis suam secum habeant præsentem causam, quibusque imprimuntur corporibus, sed ad horum generationem plurimum facit corporum afficiendorum præparatio, quorum, cum omni ætate multa sit in temperie varietas, nihil mirum si diversis, & qui tempori & ætati non videantur convenire, corripiantur morbis.

*Ergo morbi omnes omnibus fiant temporibus.*



Proponebat Parisiis JOANNES FRANCISCUS COUTHIER, Vitellensis, Baccalaureus Medicus. A. R. S. H. 1706.